

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH ", broj 12/03, 34/03 i 65/13), člana 6. Odluke o standardima i kriterijima za izbor i imenovanje članova skupštine javnih preduzeća („Službene novine Općine Jajce“, broj: 2/13), Zaključka Općinskog vijeća Jajce broj: 01-01-6-740/18 od 31.01.2018. godine i Zaključka Općinskog vijeća Jajce broj: 01-01-6-2126/18 od 20.03.2018.godine, Komisija za izbor u regulirana tijela Općine Jajce objavljuje

JAVNI KONKURS

za izbor i imenovanje članova Skupštine javnih preduzeća kojima je osnivač općina Jajce, i to:

1. JP „Radio televizija Jajce“ d.o.o. Jajce7 članova Skupštine

2. JKP „Čistoća i zelenilo“ d.o.o. Jajce.....1 član Skupštine

I. Opis poslova:

Skupština Javnog preduzeća "Radio televizija Jajce " d.o.o. Jajce odlučuje o:

- donošenju Statuta, njegovim izmjenama i dopunama
- donošenju etičkog kodeksa i drugih Poslovnika na prijedlog Nadzornog odbora
- imenovanju i razrješenju Nadzornog odbora
- Usvajanju godišnjeg izvještaja preduzeća koji uključuje finansijski izvještaj i izvještaj revizora, Nadzornog odbora i Odbora za reviziju
- Naknadama članova Nadzornog odbora i Odbora za reviziju
- Donošenju plana poslovanja, investiranja i trajne poslovne saradnje sa drugim preduzećima
- Imenovanju članova odbora za reviziju na prijedlog Nadzornog odbora
- Godišnjem obračunu, raspodjeli dobiti i pokriću gubitaka
- Ostalim pitanjima u skladu sa Zakonom o privrednim društvima, Zakonom o Javnim preduzećima i Statutom preduzeća

Skupština Javnog komunalnog preduzeća „Čistoća i zelenilo" d.o.o. Jajce odlučuje o:

- Poslovnoj politici i strategiji razvoja preduzeća
- Usvajanju godišnjeg izvještaja preduzeća koji uključuje finansijski izvještaj i izvještaj o radu Nadzornog odbora
- Rasporedu dobiti
- Načinu pokrića gubitaka
- Povećanju i smanjenju osnovnog kapitala, nakon pribavljene saglasnosti Osnivača
- Promjeni firme, sjedišta i djelatnosti preduzeća
- Usvajanju Statuta preduzeća
- Spajanju sa drugim preduzećima i pripajanju drugih preduzeća preduzeću ili preduzeća drugom preduzeću, nakon pribavljene saglasnosti osnivača
- Promjeni oblika i podjeli preduzeća, nakon pribavljene saglasnosti Osnivača
- Prestanku preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije nakon pribavljene saglasnosti Osnivača
- Kupovini, prodaji, razmjeni, uzimanju ili davanju u lizing, uzimanju ili davanju kredita, i drugim transakcijama direktno ili posredstvom supsidijarnih preduzeća, u toku poslovne godine u obimu većem od trećine knjigovodstvene vrijednosti imovine preduzeća po bilansu stanja na kraju predhodne godine kao i takvoj transakciji u manjem obimu za čije odobrenje je ovlašten Nadzorni odbor, ako on takvu predloženu transakciju nije odobrio
- Izboru i razrješenju članova Nadzornog odbora pojedinačno
- Izmjenama i dopunama odredaba Statuta
- Poslovnima koji su po zakonu izuzeti iz nadležnosti Nadzornog odbora za njihovo donošenje
- Etičkom kodeksu na prijedlog nadzornog odbora
- Planu poslovanja, odnosno revidiranom planu poslovanja preduzeća, na prijedlog Nadzornog odbora, a u skladu sa članom 23. Zakona o javnim preduzećima FBiH
- Drugim pitanjima bitnim za poslovanje preduzeća, u skladu sa zakonom i ovim Statutom

Najmanje jedanput godišnje, Skupština preduzeća podnosi izvještaj o radu i poslovanju Općinskom vijeću.

II. Mandat članova skupštine je četiri (4) godine, sa mogućnošću ponovnog imenovanja.

III. Opći uvjeti:

Svi kandidati za poziciju člana Skupštine JP "Radio televizija Jajce " d.o.o. Jajce i člana Skupštine JKP „Čistoća i Zelenilo“ moraju ispunjavati sljedeće opće uvjete:

- da su državljani Bosne i Hercegovine
- da su stariji od 18 godina, ali ne stariji od 65 godina
- da nisu otpušteni iz državne službe kao rezultat disciplinske mjere na bilo kom nivou u Bosni i Hercegovini (bilo na nivou države ili entiteta) u periodu od tri godine prije dana objave upražnjenog položaja,
- da nisu osuđivani za krivično djelo ili privredni prestup, koji predstavlja smetnju za imenovanje na upražnjenu poziciju, u roku od 5 godina od dana izdržane, izvršene, zastarjele ili oprostene kazne,
- da im odlukom suda nije zabranjeno obavljanje aktivnosti na poziciju na koju se kandiduju,
- da se na njih ne odnosi član IX. 1. Ustava Bosne i Hercegovine,
- da nisu izabrani zvaničnici , nosioci izvršnih funkcija ili savjetnici u smislu odredaba Zakona o sukobu interesa u organima vlasti u Federaciji BiH («Službene novine BiH» ,broj 70/08)
- da nisu na dužnosti u političkoj stranci u smislu člana 5. Zakona o ministarskim, vladinim i drugim imenovanjima Federacije BiH (Službene novine FBiH broj 12/03, 34/03 i 65/13)

IV. Posebni uvjeti:

- da imaju najmanje srednju školsku spremu,
- da imaju radno iskustvo najmanje jednu godinu
- da nemaju privatni finansijski interes u preduzeću
- da nisu članovi upravnog odbora/vijeća u više od jednog javnog preduzeća, odnosno javne ustanove,
- da posjeduje sposobnost za savjesno, odlučno i odgovorno obavljanje povjerene funkcije
- da posjeduju znanja i sposobnost razumijevanja poslovnih izvještaja i poznavanje propisa koji se primjenjuju u radu i poslovanju javnih preduzeća
- da posjeduje sposobnost i nepristrasnost donošenja odluka
- da je naklonjen timskom radu

V. Potrebni dokumenti:

Prijava na javni konkurs treba biti potpisana i sadržavati oznaku skupštine javnog preduzeća na koju se kandidira, kratku biografiju, adresu i kontakt telefon.

Uz prijavu se prilažu originalna ili ovjerena fotokopija dokumenata:

- popunjena i ovjerena Izjava (obrazac Izjave se može preuzeti u pisarnici Općine Jajce)
- uvjerenje o državljanstvu
- uvjerenje o nekažnjavanju
- ovjerena kopija diplome (diplome stečene izvan granica BiH nakon 06.04.1992. godine trebaju biti nostrificirane)
- uvjerenje o radnom iskustvu u struci (samo iznimno se prihvata ovjerena kopija radne knjižice uz ovjerenu Izjavu o radnom iskustvu u struci koja odgovara kopiji radne knjižice i to u slučajevima kada se ne može pribaviti navedeno uvjerenje iz opravdanih razloga npr. ne postojanje ranijeg poslodavca i sl.)
-

S kandidatima koji budu ispunjavali sve potrebne uvjete javnog konkursa bit će obavljen intervju.

VI. Ostale napomene:

Rok za podnošenje prijava je 15 dana, a računa se od datuma zadnje objave konkursa u " Službenim novinama Federacije Bosne i Hercegovine ", odnosno dnevnom novinskom listu .
Prijave sa dokumentacijom mogu se dostaviti u zatvorenoj koverti u pisarnu Općine Jajce ili preporučeno poštom na adresu:

Općina Jajce, Nikole Šopa b.b., Jajce

Komisija za izbor u regulirana tijela općine Jajce uz naznaku

Prijava na javni oglas za člana Skupštine JP »Radio televizija Jajce« d.o.o. Jajce – ne otvarati ili

Prijava na javni oglas za člana Skupštine JKP »Čistoća i zelenilo« d.o.o. Jajce – ne otvarati

Neblagovremene i nepotpune prijave neće se uzimati u razmatranje.

Komisija će uz poštivanje principa utvrđenih Zakonom sastaviti rang – listu kandidata i proslijediti je Općinskom vijeću radi konačnog imenovanja.

**Komisija za izbor
u regulirana tijela Općine Jajce**

Ismet Vereget, predsjednik